

40.
26. 9

COPIA EPISTOLÆ;

QUAM

SANCTISSIMO PATRI,

ET D. D. N.

D. CLEMENTI

DIVINA PROVIDENTIA


PAPÆ XI.

SCRIPSIT

UNIVERSITAS PONTIFICIA, ET REGIA VALLIS-OLETANA
super Constitutione *Unigenitus*.

Vallis-Oleti apud Alphonsum Riego Univerſitatis Typographum.

4
e. 50



OPRIA BIBLIOTHECA

MUSEI

LIBRARIUM

NUM. 100

ITINERARIO

DE

IN ITALIA

PER

...

...



SANCTISSIMO P.

ET D. D. N.

D. CLEMENTI

DIVINA PROVIDENTIA

PAPÆ XI.

VNIVERSITAS VALLIS:

OLETANA F. S. O.

BEATISSIME PATER.



AVICULA illa, que (1) in medio mari iactabatur fluctibus, militans erat Ecclesia; (2) (ut concordi San-

(1)
Matth. cap. 14. vers. 24.

(2)
SS PP. cum August. serm. 14. de Verb. Dom. S. D. Thom. super Matth. hic.

orum Patrum doctrina erudimur) quæ varijs perfidæ infidelitatis agminibus circumdata frementibus quatitur, non concutitur undis. Sed inter tot errorum

(3)
Simplicitér loquen-
do infidelitas hereti-
corum est pessima.
D. Thom. 2. 2. q. 10
art. 6. in corp.

(4)
Ioann. cap. 3. vers.
19.

(5)
Ex inani gloria orien-
tur novitatum præ-
sumptiones. S. Greg.
lib. 31. Moral. c. 31.

(6)
Luc. cap. 5. vers. 3

(7)
D. Ambros. lib. 4. in
cap. 5. prope fin.

(8)
Ascendens in unam
navim. Luc. supra.

(9)
S. Ambros. ubi supra.

(10)
Idem ibidem.

(11)
Luc. supra.

(12)
Marc. c. 6. vers. 48.

(13)
Luc. supra.

(14)
S. Bernard. lib. 3. de
consid. cap. 8.

4
procillas (3) pessima præ omnibus hære-
ticorum nequitia per totam noctem (qui-
(4) *dilexerunt magis tenebras, quam lu-
cem*) vanæ (5) præsumptionis flatibus
quasi ventorum vi navim submergere ni-
titur. In cassum tamen; *quia* (6) *navis erat*
Simonis Petri, (7) in qua prudentia navi-
gat, abest perfidia, fides aspirat. Quemad-
modum enim turbari poterat, cui præra-
is, in quo Ecclesie firmamentum est? Ade-
rat (8) etiam Dominus, cuius ad præcep-
tum Petrus gubernacula suscipit iussus,
ut in altum ducat, *hoc est, (9) in profun-*
dum disputationum. Soli Petro (10) dicitur,
ut, cui inter omnes commissa fuerat ple-
na iudicandi potestas, in profundioribus
orthodoxæ fidei veritatibus definiendis
tradita agnoscatur suprema differendi fa-
cultas. Soli insuper Petro dicitur, (11)
duc in altum; etsi alij vel in remigando
(12) laborent, vel laxent (13) retia in
capturam; omnium quippè cura Petro;
Petrique successoribus præcipitur, quos
inter Redemptoris voce, BEATISSIME
PATER, *Pastorum (14) tu unus omnium*
Pastor.

5

Hanc fidem à multis retrò sæculis
 firmiter tenuit, & retinet Hispania fidelis,
 atque antonomastice Catholica, in om-
 nibusque huius Regni Catholicissimi in-
 colis unus est sensus, ac commune dog-
 ma præceptis Apostolicæ Sedis in mori-
 bus coercendis obedientiam præstare, &
 in definitionibus fidei assensum procul ab
 hesitatione præbere. Ab hac fide qui re-
 cesserit, peribit. *Sit (15) ergò ruina sue
 dolore prostratus, quisquis Apostolicis vo-
 luerit contraire decretis.*

Sed prohi dolor ! Hoc nostro sæculo,
 (16) in quo tempora periculosa, non so-
 lum instant, sed extant, in surrexerunt in
 Ecclesiam Sanctam viri mendaces, *semen
 (17) Iansenij nequam, filij scelerati, qui
 dereliquerunt Dominum, blasphemave-
 runt Sanctum Israel, & abalienati sunt
 retrorsum. Convenerunt (18) in unum ad-
 versus Dominum, & adversus Christum
 eius; atque oves Dominici gregis ferali
 impietate dilacerant, & callida perversi-
 tate seducunt. Adhuc enim hostis (19)
 noster nocendi cupidus, & peritus, acriori-
 bus invidiæ stimulis incitatur, ut, quos*

(15)
 Cap. Nulli 3. dist.
 19.

(16)
 2. Ad Thim. cap. 3.
 vers. 1.

(17)
 Isaiaz cap. 1. vers. 4.

(18)
 Psalm. 2. vers. 2.

(19)
 S. Leo. serm. 5. de
 ieiun. 10. uenf.

apertis, & cruentis persecutionibus impug-
nare non finitur, sub falsa Christiani no-
minis professione corrumpat.

(20)
Marc. cap. 6. vers.
47.

(21)
Luc. 1. vers. 69.

(22)
Ad Ephes. cap. 2.
vers. 2.

(23)
S. Leo. epist. Decret.
32. ad Episc. Galliar.

Erat (20) navis in medio mari quon-
dam, ut modo hisce diris agitata tempest-
tatibus. At Iesu Domini singularis provi-
dentia, & in Ecclesiam Sponsam suam
ferventissimus amor erexit (21) cornu sa-
lutis nobis in BEATITUDINE VESTRA,
cuius sollicitudo pastoralis navim nos-
tram ducit in altum, ut in profundum
disputationum veniens maturo consilio,
luce sapientiæ, zelo fidei, & constanti
pectore adversus (22) spiritum, qui nunc
operatur in filios dissidentie, arma lucis
induat, illuminatus ab alto errorum late-
bras manifestet, ac tenebras dissipet. Cum
(23) Catholica Fides, quæ nulla sui est par-
te mutabilis, per ipsas adversantium exerci-
tationes, & validior efficiatur semper, &
clarior, operante hæc gratia Dei; ut, si qui
forte ad hæc subtilia inimici iacula declinan-
da minus erant instructi, minusque solici-
ti, perceptis veritatis armis fierent contra
impiorum mendacia fortiores. Sic in consti-
tutione Unigenitus damnatæ apparent

una, centumque propositiones, quas in plures eiusdem operis tomos perfida mēs congefferat, & sparferat, nova errorum zizania inveniēdo, ac vetera fuscitando.

Miramur certè, SANCTISSIME CLEMENS, Beatitudinis vestræ clementiam; quæ, dum errores percutit, errantes pijs visceribus demulcet; quærit oves, quæ perierant; invitat ad pascua; revocat ad ovile. Attamen rebellis protervia, unde expectabatur correptior, evasit audacior. O cæcitas mentium! O duritia cordium!

Tradidit (24) illos Deus in reprobum sensum, ut (25) videntes non videant, & audientes non intelligant Petrum, aut Petri successorem dispensatione divina esse fidei oraculum, sanæ doctrinæ normam, & veritatis Magistrum. *Sed multi (26) opinionum suarum sequaces, & quod non dum intellexerant, paratiores docere, quam discere, sicut ait Apostolus, circa fidem naufragaverunt.*

Ad Concilium appellant illi, quorum plures errores damnati sunt à Concilijs; ipsi se seducūt, & insana perversitas, dum (27) sua sententia convincitur, quasi phr.e-

(24)
Ad Rom. cap. 7
vers. 28.
(25)
Luc. cap. 8. vers. 10

(26)
S. Leo. serm. 10. in
Nativ. Dom.

(27)
S. Greg. homil. 33.
in Evang. post. iiii.

naica funem parat, ex quo ligetur. Errat
 turpiter audax pertinacia; nec scire aliud
 unquam optamus, quam quod ab omni
 retro seculo *cuncta* (28) *per mundum mo-*
vit Ecclesia. Certo namque credimus,
 quod *Apostolica* (29) *Sedes sine ulla synodo*
præcedente, & solvendi, quos Synodus ini-
que damnaverat, & damnandi NVLLA
EXISTENTE SYNODO, quos oportuit,
habuit facultatem.

Adeo sine ullius prorsus exceptione
 à Maioribus nostris accepimus tam in
 gentis momenti veritatem, ut non op-
 porteat silentio præterire; quod, cum iac-
 ta fuissent in una, vel altera sessione (30)
 Concilij Constantiensis rudia forte femi-
 na oppositæ falsitatis, aberant tunc Sere-
 nissimorum Castellæ nostræ, ac Legionis
 Regum Oratores, & Procuratores; ac-
 currere postmodum, ex illis (31) unus
 erat Ludovicus de Valle-Oleri Ordinis
 Prædicatorum celeberrimi Conventus
 Sancti Pauli huius Civitatis filius, in Theo-
 logia Magister Parisiensis, vir sane, ut
 nostræ produnt historiæ, dicendi facundia
 clarus, doctrina celebris, virtute conf-
 pi-

(28)
 Cap. cuncta 17. caus.
 9. quæst. 3.

(29)
 Ibidem.

(30)
 Concilij Constant. sess.
 4. & rursus à sess. 35.

(31)
 Histor. manuscript.
 Vallis-Oleri. t. p. cap.
 22. & ex Bulla Mar-
 tini V. P. Max. quæ
 incipit. Cum magnæ
 necessitatis; &c. sub
 datis die 8. Julij
 1425.

picuus, meritoque Regum Castellæ En-
rici Tertij, & Ioannis Secundi à Sacris
Confessionibus, & in Universitate nostra
Sacræ Theologiæ Cathedræ primarius
professor, ac eiusdem facultatis Decanus.
Nimirum oportuit, ut Hispanus testis, &
noster tam præclarus alumnus longe
abesset ab omni erroris umbra; præsto
adesset pro donando Ecclesiæ Dei certo
Pontifice; qui fuit eiusdem Concilij
splendidus fructus.

*Nulla (32) falsa doctrina est, que
non aliqua vera intermiscet. Unde Ianse-
nij protervi sequaces clarissima Ecclesiæ
lumina Sanctos Augustinum, & Tho-
mam in patrocinium sui erroris adduce-
re conantur. Sed non patitur eorum doc-
trina sana iugum (33) ducere cum infideli-
bus. Quæ enim participatio iustitiæ cum ini-
quitate? Aut quæ societas luci ad tenebras?
Profecto, Pater Sanctissime, qui hæreti-
co, vel schismatico spiritu aguntur, ex pa-
tre (34) diabolo sunt; cuius ad exemplum,
cum in tenebris ambulēt, ut simplices
evertant, transfigurant (35) se in Ange-
los lucis.*

(32)
S. August. lib. 2.
quæst. Evang. cap.
40.

(33)
Epiſt. 2. ad Cor. cap.
6. vers. 14.

(34)
Ioann. cap. 8. vers.
44.

(35)
Ex 2. ad Cor. cap.
11. vers. 14.

Hispaniæ Præfules, & Vniuersitatum
 Doctores veræ cultores fidei, & Apосто-
 licę Sedis obsequentissimos filios (quia in
 silentio discunt supremi Pastoris parere
 decretis) socios sacrilegi sceleris se habe-
 re proclamant; quo impijssimo mendaci-
 tatis testimonio effrænata, dolosa que lin-
 gua incautas, ac sinceras animas attrahit
 in ruinam. Quapropter, BEATISSIME
 PATER, quos decuit tacere loquēte Ma-
 gistro Summo in Constitutione *VNIGE-
 NITVS*, iam ipsis non licet effrontis im-
 pietatis illatam fidei, & fidelitati nostræ
 non auferre calumniam. *In talibus* (36)
*quippe causis non caret suspicione taciturni-
 tas; quia occurreret veritas, si falsitas
 displiceret. Meritò namque causa nos respicit,
 si silentio faveamus errori.*

Prodeat in lucem fides nostra, qua
 gloriemur de *confusione* (37) *eorum, qui
 terrena sapiunt; & illud decretum salube-
 rimum, iustum, verissimum à Vestra
 Sanctitate afflante Deitatis Spiritu edi-
 tum, quod hætenus* (38) *corde credebamus
 ad iustitiam, ore confitemur ad salu-
 tem; ut hæc nostra confessio ad excelsi,
 Apol-*

(36)
 S. Celestin. 1. epist.
 1. ad Episc. Gallie
 prope init.

(37)
 Ad Philip. cap. 3.
 vers. 19.

(38)
 Ad Rom. cap. 10.
 vers. 10.

Apostolicæ culminis evolet aras ; *Et*
mendaces (39) ostendat eos , qui macula-
verunt illud.

(39)
 Sapiens. cap. 10.
 vers. 14.

Hoc zelo præditi, & filialis obedi-
 tiæ in SANCTITATEM VESTRAM ob-
 servantissimi omnes Doctores, Magistri,
 ac Deputati præclarissimi huius Univer-
 sitatis Vallis-Oletanæ à nobilissimo Viro
 Petro Davila, & Cardenas, olim in Ove-
 renti Maiori Collegio Salmantinæ Uni-
 versitatis cærulea trabea insignito, nunc
 in Cathedrali huius Civitatis Ecclesia Ca-
 nonico Magistrali, huius Diocesis Visi-
 tatore generali, & Synodali Examinato-
 re, in nostra Univerſitate Vespertinæ Sa-
 cræ Theologiæ Cathedræ Antecessore, &
 Rectore, per literas ante diem, ut iuris
 est, evocati ad plenum confessum, vulgo
 Claustrum Academicum, die 2. Maij la-
 bentis anni 1718. suadente suaviter, dif-
 ferre, & efficaciter ardore fidei, qua pollet,
 & reverentiæ in Sanctam Apostolicam
 Sedem reverendissimo, & omni venera-
 tione digno sacro huius Civitatis Antisti-
 te, & Cancellario nostro, ut literæ con-
 fessionis nostræ ad conspectum VESTRÆ

BEATITVDINIS apparent, grato, libenti que animo sine ulla disceptatione, nemine que discrepante, consensum obsequentissimum præbuere.

Hæc igitur Vallis-Oletana Pontificia, & Regia Academia, una ex tribus maioribus Hispaniæ nostræ Vniuersitatibus, & facile (40) antiquissima omnium, utpote à Serenissimo Alphonso VIII. Castellæ Rege, Pallentię quondam erecta, induta lorica fidei, & scuto veritatis circumdata bellum parat Iansenianę prauitatis, non sine spe victorię auxiliante Domino, felicibusque auspicijs, quandoquidem ab initio subnascentis adhuc pestiferæ sectæ eius detexit viperium caput. Loquatur eventus ipse non ingratus omnino, ut opinamur, exiturus benignitati BEATITUDINIS VESTRÆ.

Cum (41) Cornelius Iansenius primarius Sacræ Theologiæ in Academia Lovaniensi ad oras Hispanię appulisset, nostram post alias Vniuersitatem conuenit, subscripta petitione deposcens, ut in Claustro Doctorum aliqua, ut ipse venditabat, utilia proponeret. Die ergo 3.

Mar-

(40)
Doct. D. Petr. Fernandez de Pulgar in histor. Palent. lib. 2. §. 2. à fol. mihi 278. usque ad 273.

(41)
Ex monumentis Academicæ Vallis-Oletanæ maiorumque traditione.

Martij anni Domini 1627. denegatur lo-
 quendi facultas , quousque Licenciatus
 Martinus de Chavarria Maioris Sanctæ
 Crucis Collegij purpura decoratus , &
 tunc Universitatis Rector inquireret per
 documenta fidedigna de qualitatibus,
 moribus, & prerogativis supplicatis. Qua
 premissa cautione iterum congregato
 Doctorum cętu die 6. eiusdem mensis, &
 anni audiri conceditur. Claustum ingre-
 ditur ipse, ac blando licet sermone, ferali
 potiùs immanitate sæviit in filios Eccle-
 się, Religiosos Viros, Sacrę Societatis Ie-
 su professores, Catholicę propugnatores,
 & propagatores fidei, & ad obedientiam
 Apostolicę Sedis duplici lege, hoc est, di-
 vino præcepto, & quarto voto adstrictos.
 Sæviit, inquã, *spirans* (42) *minarũ, & cę-
 dis in Discipulos Domini.* Petiit epistolas
 perfidę crudelitati faventes, & inter ver-
 borum latebras erroris præconcepti indi-
 cia præbuit, abscessitque. Illuminante
 Domino discussis omnibus solerti Doc-
 torum iudicio deteguntur insidię; respõ-
 sum præfato Rectori committitur; ad cu-
 ius verba trepidat hostis, fugam parat, &
 flam-

(42)
 Act. cap. 9. vers. 12

flammas Sanctę Inquisitionis pertimescens mox evanuit, non recto tramite, sed per invia navigaturus ad patriam. Vaticinari nobis liceat, & hic à VESTRA SANCTITATE Chrysostomi verba usurpare: *Quid (43) mihi eius patriam dicitis? Utinam ipsum quoque nescire licuisset!* Talem, SANCTISSIME PATER, de Ianseniana perfidia, vel ante commissum prælium, Academia nostra reportavit triumphum; ut hæreditario iure agnita per maiores nostros in capite nequitia, in membra indubij deservire accingamur.

Nova igitur dum se se offert præliandi occasio, audire nos videmur primum Iesu-Christi Vicarium ad conspectum primi successoris sui Clementis verba proferentem commendatitia Populo Christiano, quæ iure debitissimo de Clemente alio legitimo pariter ipsius successore, descensu facto à *Primo ad te VNDECIMUM*, nobis dicta suscipimus. *Sed & Vos (44) Charissimi* (aiebat Petrus, & ait) *huic, qui præsidet vobis ad veritatem docendam, in omnibus obedite, scientes, quod, si quis hunc constrixerit,*

(43)
S. Chrysost. homil.
de prodit. Iud. ante
med.

(44)
S. Clem. 1. epist.
1. Decret. ad Iacob.
Frat. Dom. ante
med.

Christum , qui ei docendi credidit Cathedralam , non recipit... Convenientes verò semper ad CLEMENTEM , date omnes operam pro ipso sentire , & summo studio favorem vestrum erga ipsum ostendere , scientes , quia propter singulos vestrum ipsi magis soli infestus est inimicus , & in ipsum maiora suscitatur bella.

Sub vexillis verò Sacrae Romanae Ecclesiae militabimus , & sub VESTRAE BEATITUDINIS ducatu parati sumus arripere arma (45) militiae nostrae , non carnalia , sed potentia Deo ad destructionem munitionum , consilia destruentes , & omnem Iansenistarum altitudinem extollentem se adversus scientiam Dei. Contra (46) istos enim omnem quidem orbem terrarum , & totam ubique Ecclesiam decet fidei arma arripere. In promptu itidem habemus ulcisci (47) omnem inobedientiam , cum impleta fuerit obedientia nostra , qua VESTRAM SANCTITATEM , Summum Pastorem , & Patrem veneramus ; supremum fidei Magistrum agnoscimus ; & constitutionem ante dictam ex intimo cordis affectu totis precordijs susceptam , ut prorsus irre-

(45)
2. Ad Cor. cap. 104
vers. 4. & 5.

(46)
S. Leo. ferm. 4. de
collect.

(47)
Ad Cor. supra vers.
6.

irreformabilem, pleno ore profitemur,
omnes, & singulos errores in ea damna-
tos iuxta tenorem Sacri Decreti detesta-
mur, prudenterque reijcimus, inanem,
frivolam, & schismaticam à Sede Aposto-
lica ad Concilium appellationem propul-
samus; & hanc nostræ confessionis fidem
sacri iuramenti robore confirmare, ut ex
adiunctis actis apparebit, statuendum
duximus, & opere ipso liberavimus.

Restat ergò, ut BEATITUDO VES-
TRA induta virtute ex alto, ora blasphe-
mantium obturet, atque in (48) camo, &
fræno maxillas eorum constringat. *Quia*
(49) *tempus est, ut vestrum agnoscatis,*
PATER AMANTISSIME, principa-
tum, probetis zelum, ministerium honore-
tis; in eo plane Petri impletis vicem, cuius
tenetis & fidem; si vestra admonitione cor-
da in fide fluctuantia confirmatis; si vestra
authoritate conteritis fidei corruptores. Nos
verò largissimam vestræ benignitatis be-
nedictionem exoptantes, & expectantes,
simulque instantes orationi Dominum
enixe rogamus, ut vitam BEATITUDI-
NIS VESTRÆ toti Ecclesiæ adeo nec-

(48)
Psalm. 31. vers. 12.

(49)
S. Bernard. epist.
190. ad Innocent.
Pap.

cessariam, incolumen longa per tempo-
ra seruet. Datis in hoc nostro pleno Clau-
stro Universitatis Vallis-Oletanæ die 27.
Maij Anni Domini 1718.

BEATISSIME PATER.

Sanctitatis vestrae pedibus devoluti obsequentissimi filij.

- 1 Doctor Petrus Emmanuel Davila, & Gardenas, Almæ Vallis-Oletanæ Ecclesiæ Canonicus Magistralis, Sacræ Theologiæ Vespertinus, & Rector.
- 2 Doctor Salvator Philippus de Lemos, Iuris Civilis Primarius emeritus, Vniversitatis Vice-Cancellarius, in Tribunali Sanctæ Inquisitionis pro causis Fidei Advocatus, atque ibidem Regalis Fiscus Patronus, Ecclesiæ Palentinæ Canonicus.
- 3 Fr. Emmanuel Henriquez, Ordinis Bmæ Virginis de Mercede Redemptionis Captivorum, Sacræ Theologiæ Doctor Primarius, Philosophiæ Magister, & Vniversitatis Decanus.
- 4 Fr. Ildefonsus Martinez, Ordinis Sanctissimæ Trinitatis Redemptio-
nis Captivorum, in Sacra Theologia Doctor, Philosophiæ Magister, & Cathedræ Sacræ Scripturæ Moderator.
- 5 Doctor Ioannes Antonius Herarero, & Vela, in Sacrorum Canonum Facultate Decanus.
- 6 Fr. Ludovicus Alvarez de Sancta Rosa, Ordinis Prædicatorum, Doctor Theologus, & in Cathedra Divi Thomæ Primarius, & Diffinitor Capituli Generalis.
- 7 I. V. Doctor Ioannes Emmanuel de Azitores, Vespertinæ Sacrorum Canonum Cathedræ Proprietarius, & Reverendissimi Episcopi Vallis-Oletani Vicarius Generalis.
- 8 Doctor Hieronymus Fierro Rodriguez Cobo, Institutionum antiquioris Cathedræ Moderator, & in Tribunali sanctæ Inquisitionis pro causis Fidei Advocatus.
- 9 Doctor Michael Antonius Garcia de Jalon, Cathedræ Sexti Antecessor.
- 10 Fr. Franciscus de Obaño, & Muñoz, Ordinis B. V. Mariæ de Mercede Redemptionis Captivorum, Sacræ Theologiæ Magister, Philosophiæ Cathedræ quondam

dám Antecessor, Sanctæ Fidei
Senatus Qualificator, & Epit-
copatus Vallis Oletani Exami-
nator Synodalis.

21 Fr. Agilanus Perez de Arroyo,
Ordinis Sanctissimæ Trinitatis
Redemptionis Captivorum, Sa-
cræ Theologiæ Magister, &
Philosophiæ Cathedræ Mode-
rator.

22 Fr. Iosephus Andrés Garcia, Or-
dinis Carmelitarum, Sacræ
Theologiæ Magister, Philoso-
phiæ Cathedræ Moderator, &
Examinator Synodalis, Dicec-
sis Vallis Oletanæ.

23 Doctor Theologus Roccius Gar-
cia, & Quinones, in Proprie-
tate Primarius Philosophiæ Na-
turalis, Examinator Synodalis
Dicecesis Vallis Oletanæ.

24 Iosephum Andrés Guerra, Doctor
Theologus, Philosophiæ Ca-
thedræ quondam Antecessor.

25 Emmanuel de Tejada, Ordinis
Clericorum Regularium Mino-
rum, Sacræ Theologiæ Magis-
ter, & Cathedræ Scoti Mod-
erator.

26 Ildesofus à Rueda, Sacræ Theo-
logiæ Doctor.

27 Franciscus Fernandez del Bal,
Sacræ Theologiæ Doctor.

28 Emmanuel Ignatius de la Re-
guera, Societatis Iesu Sacræ
Theologiæ Doctor, Primariæ
Societatis Cathedræ Professor,
Qualificator Sancti Officij.

29 Bernardus Egea, Medicinæ Doc-
tor Primarius, & Decanus, in
Cathedra Avicennæ.

20 Simon Turado, Medicinæ Doc-
tor Primarius in Cathedra Hyp-
pocratis.

21 Antonius Tigero, Medicinæ
Doctor, & Vespertinæ Cathe-
dræ Moderator.

22 Petrus a Pressa, Medicinæ Doc-
tor.

23 Ioannes Calderon, Medicinæ
Doctor, & Cathedræ Chirur-
giæ Moderator.

24 Emmanuel à Ribero, Medrano,
Medicinæ Doctor.

25 Laurentius Pineda, Medicinæ
Doctor, Methodi Cathedræ
Moderator.

26 Franciscus Xaverius à Salazar,
& Castejon, Maioris Sanctæ
Crucis Collegij purpurea Toga
insignitus, & Deputatus Vni-
versitatis.

27 Franciscus Montero, Ordinis
Clericorum Regularium Mino-
rum, in Sacra Theologia Li-
cenciatus.

28 Iosephus Bonaventura de Esco-
bedo, in Sacra Theologia Li-
cenciatus, & Philosophiæ Ca-
thedræ olim Moderator.

29 Franciscus Romo, & Guerrero,
Maioris Sanctæ Crucis Collegij
purpurea Toga insignitus, in Sa-
cræ Theologia Licenciatus, &

Durandi Cathedræ Moderator,
30 Gaetanus Gaspar de Landa, Li-
cenciatus in Sacrorum Cano-
num Facultate.

31 Fr. Iosephus Tordeillas, Ordi-
nis B. V. Mariæ de Mercede
Redemptionis Captivorum, in
Sacra Theologia Licenciatus.

- 32 Iosephus Zorrilla de San-Martin, Licenciatus in Sacrorum Canonum Facultate, Archidiaconus Valentiaë de Alcantara, Dignitas, & Canonicus Caucensis Ecclesiæ.
- 33 Iosephus Paschasius de Bobadilla Maioris Sanctæ Crucis Collegij purpurea Toga insignitus, & Digesti Veteris Moderator.
- 34 Iosephus Florez Ossorio, antiquioris Cathedræ Codicis Moderator, Alinæ Vallis-Oletanæ Ecclesiæ Canonicus Doctoralis.
- 35 Ignatius à Fuertes, & Sierra, modernioris Cathedræ Codicis Moderator.
- 36 Ioannes Franciscus de Lemos; Decretalium Cathedræ Moderator,

EX DECRETO UNIVERSITATIS.

*Antonius Belazquez del Hierro,
Eques Ordinis S. Iacobi, Secretarius.*

34 Josephus Flores Oñorio, sacra-
 mentis Catechetis, Conficis Mo-
 dorum, et alia Vallis Oñorio.
 35 Ignacia a Fructus, et alia
 modorum Catechetis, Conficis
 Modorum.
 36 Joannes Fructus de I. sacra-
 mentis Catechetis, Conficis Mo-
 dorum.

37 Joannes Torilla de San Mar-
 tin, Conficis in Sacramentis
 Catechetis, Conficis Modorum.
 38 Joannes Torilla de San Mar-
 tin, Conficis in Sacramentis
 Catechetis, Conficis Modorum.
 39 Joannes Torilla de San Mar-
 tin, Conficis in Sacramentis
 Catechetis, Conficis Modorum.
 40 Joannes Torilla de San Mar-
 tin, Conficis in Sacramentis
 Catechetis, Conficis Modorum.

EX DECRETO UNIVERSITATIS

Antonio Belduque del Hierro,
 Regente de la Universidad de Salamanca.



ACTA IURAMENTI

PRÆSTITI AB ALMA UNIVERSITATE
Pontificia, & Regia Vallis-Oletana, pro
testificanda acceptatione Constitu-
tionis, *Unigenitus*.



REMISSE schedula, ut iuris est, ante
diem, facta sunt Comitata Generalia,
vulgo Claustrum plenum, in Sacello
Academico, Divo Ioanni Evangelis-
tæ sacro, de more temporis æstivi, die
1. Maij anni labentis 1718. Constabat Claustrum ex
Clarissimo Domino Rectore (Doctore Domino Pe-
tro Davila, & Cardenas), Domino Vice-Cancella-
rio, Doctoribus, Magistris, atque Depuratis: expo-
nenteque Domino Rectore, Illmum. & Rmum. Do-
minum Fr. Iosephum de Talabera, Episcopum Val-
lis-Oletanum, & Universitatis nostræ Cancellarium,
significasse, in votis habere se aliquid Universitati
proponendum se ipso circa Constitutionem, *Unige-
nitus*; annuere omnes gratulabundi, & cum peculiare
suum suffragium tulisset Dominus Rector, urgente
incommodo, abscessit ipse: advenit Illmus. Dominus
Episcopus, receptusque debitis honoris signis, Præsti-
dis locum implevit pro munere tanti Cancellarij.

Proposuit Illmus. Antistites congenita sibi dicendi energia, benignitate, zelo erga Sanctam Sedem, quod affatim ubique notum esset, quam vexaretur Ecclesia Dei à quibusdam Novatoribus, post editam à SS. D. N. Clemente XI. Pontifice Max. Constitutionem, quæ incipit, *Unigenitus Dei Filius*; quod illi egregiè mendaces non perpeccerint honori nostræ Hispaniæ, quasi reverenti nostro silentio tribui debeat, vel quod inscij sumus præfatæ Constitutionis, doctrinæque in ea confixæ, vei quod habentes pro infallibili Romanum Pontificem, nihili sumus habendi; quodque nostris licet Regnis Catholicissimis ad suas oras tacere sit satis (maximè postquam Eminentissimus Inquisitor Generalis Cardinalis De-Iudice promulgari ex abundantia fecit eandem Constitutionem 7. Junij 1715. & promulgandam iussit ubique, prout de facto præstitum est), ad oras verò nostris affines oporteat non sic parcere verbis; quod demùm exemplum iam esse possint inclytæ Universitates tam intra, quàm extra nostram Hispaniam, quæ publica sui Catholicissimi sensus monumenta dedere Orbi Literario. Propter hæc in animum se induxisse, stimulum ex Cancellarij munere, à se summo in pretio habendo semper, suam aperire mentem Almæ Universitati nostræ, nulli cedere consciæ inter primas Hispaniarum, seu originis nobilitate, seu Virorum Sapientissimorum excellentia, & ubertate, seu præsertim zelo pugnandi, dum oportuerit, pro Ecclesia Dei, & summi ipsius Præsulis ser-

servando nitore. Itaque sibi occurrisse tacitè cogitanti, è re futurum esse, si Academia nostra pro Universitate Literas expediret, ad manus SS. Domini nostri dirigendas, præmissò sigillatorio Iuramento, quà utràque vià restificetur ore, quod corde tenuit, retinebitque semper.

Dixit: & Sapientissimo Decano duce, omnes, & singuli annuerunt ultronei, verbisque brevitatem, gratitudinem, ardoremque referentibus, unum esse hunc paritè suum, concordemque animum, demonstrarunt.

Facta est transitio ad nominandos Commissarios, qui de more, sub correctione, ac nomine relinquorum, ad laborarent huic rei; &, ad preces circum assidentium, difficilem se præstitit primùm Illmus. Præsul ob nimiam lectissimi confessus excellentiam; mox oculos coniecit in Sacram Theologicam Facultatem, cuius provinciæ est genuino magis iure hæc materia, & intra metas Theologiæ assignandos duxit unum, alterumque Facultatis eiusdem Primarios Professores. Omnium adhibito consensu, cum feliciter functus esset munere suo Illmus. Antistes Cancellarius, comitatus debitis reverentiæ signis abscessit, & solutus est confessus.

Die postea 20. eiusdem mensis Maij, ex præscripto ante diem clarissimi Domini Rectoris, iteratum est Claustrum plenum similiter, in quo assignati Commissarij rationem dedere iniuncti sibi ipsis muneris; legere literas conceptas ad Sanctissimum, & non mo-

dò probatę, fed iuffę funt mandari prælo, fimul cum Actis conficiendis; legere item præftandi Iuramenti formulam, quę & probata. Nęc per eofdem prætermiffa brevis delineatio fystematis, in aperto ponentis rem totam; exordio ducto à Propositionibus damnatis in Michaele Bayo per Sanctū Pium V. & Gregoriū XIII.; pòft fufcitatis per Cornelium Ianfenium (qui videndum fe præbuit huic noftrę Univerfitati, inuifusque ipfi factus eft, ut in Literis ad Sanctiffimum plenius continetur) sub damnatione Urbani VIII. Innocentij X. & Succefforum; modò locupletatis per Pafchafium Quesnel in Reflexionibus ad Novum Testamentum, fpecie tenus pijs, re præfentiffimo veneno confectis: hoc illud eft Opus primò damnatum folidè, pòftmodum de articulatè in fuis una fupra centum Propositionibus à SS. D.N. confixis in fua Conftitutione, *Unigenitus*. Bullam effe authenticam, declaratoriam, ex Cathedra, in ordine ad Fidem, & mores, compertum eft evidentia facti; hoc fatis ad mentem Ecclefie, præcipuè verò ad mentem Ecclefie Hifpanę, ne à voluntaria in fupèr acceptatione dependeat, tanquàm reformabilis, etiam à quovis Concilio appellabili. Præterquã & fuperabundè acceptata iam eft ibi, ubi non nifi Schifmaticà protervià nonnulli recalcitrant. Præftat itaque, noftram Almam Univerfitatem, ur in more pofitum eft à Maioribus noftris, tacitam stare dicto Bullarum huiufmodi, fi nulla contradicção fuperveniat; præftat, ut Pofteriorum prudentię relinquatur, tacendum, nec ne, fit, quoties ali-

si qua contradictio supervenerit ; præstat nunc maxime , quando contradictio immanis effervuit ; non tacere ultra , sed alloqui , sed altè conclamare , simulque Iuramento Sacro verba signare.

Placuit gravissimo confessui ; utque condigna gravitate res tanta completeretur , decretum est , die à Domino Rectore destinanda , cogenda esse Comitiaz plenissima omnium , nempe cum Domino Rectore , & Domino Vice-Cancellario , non modò Doctorum , & Magistrorum (cum insignibus Academicis accurrentium) , Deputatorumque , sed etiam advocandis insmùl Licenciatis , & Cathedraicis Bachalaureis. Item decretum , quòd hi omnes ad Claustrum convenientes in prædicto Sacello , assisterent celebrandæ concertu Musico Missæ de Spiritu Sancto , quæ præmissa religiosa preparatione , ad emissionem Iuramenti accederent omnes , & singuli ordine suo , præsentisque pro alijs , si quì ab essent ; atque omnes etiam & singuli ordine suo propria manu subscriberent , non modò Literis præfatis ad Sanctissimum , sed etiam his presentibus Actis cum sua formula Iuramenti. Quæ omnia meliori forma , qua decet , authenticaque facta sigillo nostræ Universitatis , & subscriptione Secretarij Academici , remittantur ad Sanctissimum Originalia , & serventur in Archivio nostro.

Dictum factum ; die 27. præfati mensis Maij convocati prædicti omnes à Clarissimo Domino Rectore , plenissimo convocationis numero divinis adfuere , Iuramenti Sacramento se alacritè religarunt,

& solemniter castis dicto *Te Deum*, fides tota liberata est de re ista.

Formula Iuramenti, eliciti primùm à Domino Rectore, Dominoque Vice-Cancellario, suoque ordine à cæteris prædictis, nullo dempto (legente alta voce Secretario Academico, postea binis, & binis omnibus super Crucem, Missaleque Sacrum, assistentibus, *it à iuro*), fuit tenoris sequentis.

NOS Rector, & Universitas Vallis-Oletana protestamur, & iurejurando testificamur, Constitutionem, que incipit, *Unigenitus Dei Filius*, à SS. D. N. Clemente XI. Pont. Max. editam, damnativam unius supra centum Propositionum, plenam facere fidem, & ad Fidem, & mores regulam esse irreformabilem, à nobis ut talem sincerissimè acceptam, & ab omnibus acceptandam in sensu obvio, iuxta tenorem Bullæ intellecto. Sic nos Deus adiuvet, & hæc Sancta Dei Evangelica.

Datis Vallis-Oleti in Claustro nostræ Universitatis præfata die 27. Maij, anno 1718,

Subscripsere, qui supra Literis ad Sanctissimum.

EGO Antonius Belazquez del Hierro,
 Eques Ordinis S. Iacobi, huius Al-
 mæ Universitatis Secretarius, certi-
 fico, Acta omnia supra scripta eadem fide-
 lier esse, quæ in Comitij Generalibus habita
 sunt die 2. 20. & 27. mensis Maij anni la-
 bentis, quibus adfui, & singula ad notam
 sumpsi, & subscriptiones manu propria fac-
 tas agnovi; rursus certifico, non nisi vaca-
 tionis, vel absentia causa, de esse aliquot
 ulteriora nomina pro Deputationibus, & Ca-
 thedra Primaria Iuris Canonici, & Prima-
 ria Iuris Civilis, & Cathedra Decreti, at-
 que alijs; itemque certifico, ex Libris, &
 Actis, quæ extant in Archivo Academiæ,
 constare certitudinem Allegationis (ex Claus-
 tro habito die 3. & 6. Maij anni 1627.)
 factæ in Literis ad Sanctissimum, ad quæ me
 refero: & Universitatis iussu mea suscriptione,
 & eiusdem Universitatis Sigillo muniti. Die
 præfata vigesima septima Maij, anno mille-
 simo septingentesimo decimo octavo.

Loco ✠ Sigilli.

Antonius Belazquez del Hierro.
 Secretarius.

The first part of the document
describes the general situation
of the country and the
state of the economy.
It is followed by a
detailed account of the
various measures taken
to improve the
living conditions of the
people.
The document concludes
with a statement of
the government's
policy for the future.